



Broj: 07-2461/23

Datum: 24.10.2023.godine

Na osnovu člana 100. stav (3) Zakona o javnim nabavkama ("Službeni glasnik BiH", br. 39/14 i 59/22), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/19), a na preporuku Komisije za javnu nabavku po Zapisnika Komisije za javne nabavke broj: 07-2461/23 od 23.10.2023. godine, Gradonačelnik donosi:

## ODLUKU

### o usvajanju žalbe i stavljanju van snage Odluke o poništenju postupka javne nabavke

#### I.

Usvaja se žalba ponuđača "INFONET" d.o.o. Tuzla izjavljena na Odluku o poništenju postupka javne nabavke, broj: 07-2461/23 od 29.09.2023. godine, u postupku **javne nabavke softvera DMS za praćenje i kontrolu kretanja predmeta i dokumenata za potrebe gradske uprave Srebrenik**, kao osnovana.

#### II.

Stavlja se van snage Odluka o poništenju postupka javne nabavke softvera DMS za praćenje i kontrolu kretanja predmeta i dokumenata za potrebe gradske uprave Srebrenik broj: 07-2461/23 od 29.09.2023. godine

#### III.

Ova Odluka objavit će se na internet stranici ugovornog organa [www.srebrenik.ba](http://www.srebrenik.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

#### IV.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 70. stav (2) Zakona o javnim nabavkama.

## OBRAZLOŽENJE

Grad Srebrenik pokrenuo je postupak javne nabavke putem otvorenom postupka za javnu nabavku softvera DMS za praćenje i kontrolu kretanja predmeta i dokumenata za potrebe gradske uprave Srebrenik, objavljen na Portalu javnih nabavki, obavještenje o nabavci broj: 761-1-2-29-3-33 od 18.07.2023. godine i Ispravka Obavještenja o nabavci broj: 761-1-2-29-8-50/23 od 12.09.2023. godine i sažeci obavještenja o nabavci, objavljeni u „Službenim glasniku BiH“ broj: 51/23 od 04.08.2023.godine i 63/23 od 15.09.2023. godine.

Nakon provedenog postupka ugovorni organ je donio Odluku o poništenju postupka javne nabavke, broj: 07-2461/23 od 29.09.2023. godine, jer nijedna od primljenih ponuda nije prihvatljiva.





Odluka o poništenju postupka broj: 07-2461/23 od 29.09.2023. godine, u zakonom predviđenom roku dostavljena je svim ponuđačima koji su učestvovali u postupku javne nabavke zajedno sa Zapisnikom o pregledu i ocjeni ponuda, broj: 07-2461/23 od 20.09.2023. godine.

Ponuđači "INFOSTUDIO" d.o.o. Sarajevo i "INFONET" d.o.o. Tuzla izvršili su uvid u ponude, o čemu su sačinjeni Zapisnici broj: 07-2461/23 od 06.10.2023. godine i 17.10.2023. godine.

Ponuđač "INFONET" d.o.o. Tuzla blagovremeno je podnio žalbu putem e-maila dana 19.10.2023. godine, a zatim i poštom dana 20.10.2023. godine (protokolisana pod brojem: 07-34/23 od 20.10.2023. godine).

Po prijemu predmetne žalbe, a u skladu sa članovima 97. i 100. Zakona o javnim nabavkama, utvrđeno je da je žalba blagovremena, dozvoljena i izjavljena od ovlaštenog lica, čime su ispunjene procesne pretpostavke za razmatranje iste.

Žalilac u žalbi kao osnov za izjavljivanje žalbe navodi - bitnu povredu odredbi Zakona o javnim nabavkama, a u obrazloženju žalbe između ostalo navodi da:

*U članku 3. Odluke o poništenju ugovorni organ navodi da je ponuda ponuđača "INFONET" d.o.o. Tuzla odbačena jer:*

*"-nisu dostavili izmijenjenu Izjavu ponuđača koja je sastavni dio priloga II- Obrazac za ponudu, kako je to zahtijevano Odlukom o izmjeni tenderske dokumentacije broj: 07-2461/23 od 26.07.2023. godine."*

*Uvidom u ponudu, jasno je vidljivo da se na stranici br. 4 ponude ponuđača INFONET d.o.o. nalazi navedena Izjava koja je sastavni dio priloga II – Obrasca za ponudu kako je zahtijevano navedenom Odlukom o izmjeni tenderske dokumentacije.*

Komisija je pristupila detaljnoj provjeri navoda iz žalbe, izvršila uvid u kompletnu dokumentaciju, ponovno analizirala dokaze, te utvrdila da je žalbeni navod žalitelja osnovan, odnosno da je ponuđač "INFONET" d.o.o. Tuzla uredno dostavio traženu izjavu, što njihovu ponudu čini prihvatljivom. Obzirom da i ponuda ponuđača "ORKA" d.o.o. Sarajevo, odbačena iz istog razloga, Komisija je predložila da se postupak predmetne javne nabavke nastavi sa prihvatljivim ponudama ponuđača "INFONET" d.o.o. Tuzla i "ORKA" d.o.o. Sarajevo.

Na osnovu svega izloženog, odlučeno je kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 4x,
2. Evidenciji,
3. Arhivi



GRADONAČELNIK

Adnan Bjelić

